

清·方略館 編

清代 方略 全書

北京圖書館出版社



清代方略全書

六一

清·方略館編

北京圖書館出版社

清·慶桂等撰

欽定剿平三省邪匪方略

正編卷五四——六二

清嘉慶十五年（一八一〇）武英殿刻本

欽定剿平三省邪匪方略正編卷五十四

丁巳年

十月二十日

乙卯

明亮德楞泰恒瑞慶成奏請查

安康平利一帶數股竄匪先後由東西兩路分

竄前來總思牽制官兵乘間北竄江岸經

臣

等

分投截擊賊匪俱在西南一帶往返逃竄

臣

明

亮德楞泰所追一股由八卦廟向會家壩逃遁

該處路逕紛歧初二日

臣

明亮同興肇等帶兵

由西北山後抄出擊剿

臣

德楞泰同賽冲阿等

帶兵由東北山後抄出截殺約定兩路官兵行

至該處先在山後紮住察探賊人炊食歇息之

時出其不意同時並進已刻官兵甫到旋據哨

望兵丁稟報賊人分數股排列山前路口其餘

俱在山田民房內或搜探包穀或揀柴炊爨並

未聚集一處

臣

等各放號礮從山後壓下賊人

慌忙失措被殲二百餘名其排列路口之賊直
前抗拒經吉林兵丁奮力擊射賊人抵敵不住
反身疾走官兵追殺十餘里賊人俱向深林內
竄逸該處林密山高路徑不甚可辨暫將官兵
紮住次早會值雨雪遂獎勵各兵冒雪追至竹
葉關地方斃賊三百餘人生擒四十一名訊係
賊管戰手當卽分別斬梟餘匪俱向西南唐家

坪竄走

臣

恒瑞慶成等所剿一股自蔣家坪敗

竄後追向平利西南一帶官兵由蔣家坪取道

東河女仙山一帶緊跟兜擊初三日行至金竹

園地方探知賊人因遇雨雪在全山地方屯紮

卽率領巴圖魯侍衛等帶兵繞道抄出賊前攔

頭進剿并於兩面溝內選派鎗手設伏賊匪捨

死衝突官兵奮勇異常斃賊三百餘名該匪卽

翻山旁竄

臣

恒瑞等仍率兵力追賊人由白仍

溝一帶奔逸初五日竄至唐家坪地方與前股

賊匪會合適兩路官兵先後趕至賊匪狂奔向

豐溪一路逃遁該處爲陝楚川三省交匯之所

臣

等惟有趁此機會趕緊兜剿再

臣

等接宜綿

來信稱方山坪賊首冉文儔等率其餘黨竄入

巴通境內與前由太平敗回之徐添德等合夥

以致巴州失守賊匪屯據州城復分股奔逃保

寧廣元一帶囑臣等抽撥兵二三千名前往協

剿查保寧爲郡城重地廣元係入棧要道自應

撥兵速往應援前因方山坪賊匪竄近巴州與

漢中寧羗接壤曾經奏令惠齡率同富成帶兵

馳赴堵剿今惠齡一路官兵正在擊剿喫緊之

際未便移兵臣明亮德楞泰一路官兵亦難分

往若僅令將領等官帶兵二三千名往援又恐

不能得力因思臣恒瑞慶成所剿股匪現已歸

併一處毋庸分路擊剿臣明亮德楞泰有兵九

千餘名尙敷剿辦索倫山東各兵猶可催調前

進臣恒瑞慶成原帶兵四千餘名擬卽由漢中

一路前進與宜綿兩面夾擊又派撥新到直隸

兵五百名令副將德忠隨同馳往惟查程途不

下二十餘站行走未能十分迅速

臣

等因先傳

知沿途聲言派撥數萬勁兵漏夜進發以安漢

中一帶民心俾賊匪聞風震懾至索倫各兵已

自襄陽啟行來營業經知會景安會同烏爾圖

那遜等督率由竹谿關垭一帶前來惟索倫各

兵全資馬力賊匪現竄路徑皆係崇山峻嶺羊

腸小道馬力殊難深恃且山深早寒現已雨雪

交作路仄泥淤不能乘騎如以有用勁旅置之
不得力之地陟險穿山致令疲乏轉爲非計計
該官兵等此時不過至均房一帶莫若暫令在
竹谿之保豐場地方駐紮以壯後路聲威預防
賊匪折回楚省北竄江岸之路俟臣等緊追賊
匪逼入一定去向卽行飛調前來應用則前後
緩急皆有所恃奏入

上命軍機大臣傳諭明亮德楞泰恒瑞慶成英善烏爾圖那遜曰明亮等奏兩路官兵連日擊剿竄匪逼令歸併一夥及分兵應援川省籌布各路情形所辦尙合機宜其暫令索倫官兵在保豐場地方駐紮預防賊匪折回楚省北竄江岸之路所想亦是但景安現已帶兵一千名馳回楚豫交界防堵復令愛星阿帶領官兵二千名前往明亮等一路

策應所有黑龍江官兵著交與烏爾圖那遜圖桑
阿帶領駐紮保豐場聽候隨時調用倘賊匪被剿
緊急仍欲折回湖北邊界烏爾圖那遜等卽可帶
領迎頭截擊又據奏恒瑞慶成帶兵前往漢中一
路所辦亦好漢中寧羗廣元一帶已有英善保興
赴彼堵剿今又有恒瑞慶成帶兵四千名接續前
往聲威更極壯盛伊二人現在行至何處如何剿

賊通巴賊匪曾否竄近廣元寧羌邊界英善如何
帶兵迎擊賊匪現在竄奔何處是否折回通巴均
著迅速覆奏

二十一日

丙辰

上命軍機大臣傳諭明亮德楞泰烏爾圖那遜曰昨
明亮等奏因各兵俱到軍營楚北後路較單令黑
龍江官兵暫留竹谿之保豐塲駐紮固爲預防賊

匪折回起見但賊匪既向西南山內奔竄自係探
聞勁兵接續到彼心懷畏懼未必敢再折回湖北
卽再折回亦必由明亮左右經過且此項黑龍江
勁旅素爲驍勇乃不以之打仗殺賊轉在後路閒
駐豈非以有用之兵置之無用之地究屬非策自
應仍調赴軍前及鋒而用卽使湖北邊界有需防
守亦祇湏酌量留駐儘足爲後路聲援不可將新

到勁兵全行置之閒地著烏爾圖那遜等卽行帶
領迅往軍營剿賊至所稱賊匪現竄路徑皆係崇
山小道騎馬官兵恐易疲乏一語尤屬非是黑龍
江官兵皆生長山野能耐勞苦素以打牲爲業馳
驟登陟是其所長况該處原有之兵與賊匪同係
川楚百姓路徑自能熟悉何以賊能來去自如而
兵丁一遇險阻遂不能登陟追躡無此情理卽或